
Vår referanse	2020/41793-6
Dato	01.12.2021
Sakshandsamar	Endre Korsøen
Telefon	917 64 632
Epost	endre.korsoen@vlfk.no

Nesfossen Smolt AS
Lindåsvegen 1480
5956 HUNDEVIN

Nesfossen Smolt AS - Løyve til å etablere anlegg for oppdrett av settefisk av laks og aure på lokalitet 11682 Nesfossen i Alver kommune

Vi syner til brev til Vestland fylkeskommune 01.10.2021 med førespurnad om avklaring av kva avgrensingar og rammer som gjeld for anlegget og akvakulturløyve på lokaliteten 11682 Nesfossen i Alver kommune.

Vedtak

Nesfossen Smolt AS, org. nr. 995218402, med akvakulturløyve H-L-6, får med dette løyve til å etablere akvakulturanlegg for oppdrett av settefisk av laks (*Salmo salar*), aure (*Salmo trutta*) og regnbogeare (*Oncorhynchus mykiss*) på følgjande lokalitet i Alver kommune:

Lokalitetsnummer	Lokalitetsnamn	Kommune
11682	Nesfossen	Alver

Akvakulturløyve gjeld for ei anleggsplassering som vist i vedlagte kart og som har følgjande koordinatfesta midtpunkt i grader og desimalminuttar (Kartdatum Euref 89/WGS84): **N 60°39.863' Ø 05°14.101'**.

Særskilde vilkår som er ein føresetnad for dette vedtaket:

- Kjeggavatnet/Storavatnet skal nyttast som vasskjelde. Anlegget sin bruk av ferskvatn må ligge innanfor gjeldande avtalar om regulering av Storavatnet. OED har vurdert at tiltaket ikkje treng handsamast etter vassressurslova § 8.
- Utsleppsløyve frå Statsforvaltaren i Vestland gjeld for forureining frå oppdrettsproduksjon av settefisk av laks og aure. Løyvet gjeld for ein produksjon av settefisk av laks og aure med følgjande ramme for utslepp: 11,3 tonn nitrogen, 2,2 tonn fosfor og 29 tonn organisk stoff. Det er sett krav om partikkelreinsing av avlaupsvatnet for å halde utsleppsgrensene i ramma, og krav om måleprogram og berekning av utsleppa.
- Mattilsynet Region Sør og Vest har gjeve godkjenning til produksjon av settefisk av laks og aure ved lokaliteten. Godkjenninga er gjeve for ein årleg produsert biomasse på 2000 tonn.

Dette løyve erstattar tidlegare lokalitetsklarering for 11682 Nesfossen av 20.08.2014.

Lovheimel

Løyvet er gjeve av Vestland fylkeskommune med heimel i Lov av 17.06.2005 nr. 79 om akvakultur og Forskrift av 22.12.2004 nr. 1798 om tillatelse for akvakultur for laks, ørret og regnbueørret (laksetildelingsforskrifta). Dette løyvet etter akvakulturlova inkluderer løyve etter matlova, dyrevelferdslova, forureiningslova, havne- og farvannslova og vassressurslova.

BAKGRUNN OG SAKSGANG

Om søknaden

Nesfossen Smolt AS sende 01.10.2021 brev til Vestland fylkeskommune med førespurnad om avklaring av kva avgrensingar og rammer som gjeld for anlegget og akvakulturløyve på lokaliteten 11682 Nesfossen gjeve av Hordaland fylkeskommune 20.08.2014.

I søknaden som låg til grunn for akvakulturløyve frå 2014 var det planlagt utbygging av resirkuleringsteknologi på anlegget med føremål om å produsere stor smolt opp til 1 kg i eit kombinert resirkuleringsanlegg ved bruk av sjøvatn i vekstfasen.

Av ulike orsakar stoppa utbygging av RAS i anlegget opp og det same gjorde planane om produksjon av stor smolt opp til 1 kg. Anlegget har sidan 2014 halde fram med å produsere innanfor rammene av løyve, men med produksjon av smolt opp til 500 gram på gjennomstrømmingsteknologi og berre bruk av ferskvatn.

Verksemda ønsker ei justering av godkjenninga som gjeld for anlegget slik at denne er i samsvar med faktisk drift. Dei ønsker ein fleksibilitet slik at dei kan produsere fisk av ulik storleik, der godkjenninga er gitt for ein maksimal årleg produsert biomasse, og ikkje eit bestemt tal fisk. Med dagens karkapasitet og åtskilte avdeling for rogn og startføring, har verksemda god nok kapasitet til å produsere opp til 4 million individ innanfor dagens produksjonsramme og reglar utan å endre anlegget.

Innhaldet i akvakulturløyve frå 2014

Følgjande særskilte vilkår var ein føresetnad for tildeling av akvakulturløyve med reg. nr. H-L-6 på lokalitet 11682 Nesfossen 20.08.2014 med ein produksjonskapasitet på 2,5 millionar stykk:

- Settefisk av laks, aure og regnbogeaure skal ikkje ha ei individvekt som overstig 250 gram, jf. akvakulturdriftsforskrifta § 55.
- Kjeggarvatnet/Storavatnet skal nyttast som vassskjelde. Anlegget sin bruk av ferskvatn må ligge innanfor gjeldande avtalar om regulering av Storavatnet. NVE har vurdert at søknaden ikkje treng handsamast etter vassressurslova § 8.
- Utsleppsløyve frå Fylkesmannen i Hordaland gjeld for produksjon av inntil 2,5 millionar sjøklar settefisk av laks og aure. Samla årleg produksjon er avgrensa til 2000 tonn fisk, og eit fôrforbruk på inntil 2400 tonn.
- Mattilsynet Regionkontoret for Hordaland og Sogn og Fjordane har gjeve løyve til å utvide produksjonen til også gjelde for produksjon av laksefisk, opptil 1 kg (postsmolt), på nærmare vilkår.

Endringar i føresetnadene for akvakulturløyve

I laksetildelingsforskrifta vert det ikkje fastsett noko særskild avgrensing av settefiskløyve etter Akvakulturlova. Settefiskløyve si avgrensing vil svara til dei skildringar, teikningar og kartbilag som løyve viser til. Kor mange sjødyktig settefisk anlegget kan produsera er mellom anna avhengig av kva avgrensingar som ligg i særloyme frå Mattilsynet og Statsforvaltaren, samt rettar til uttak av vatn.

Regelen i akvakulturdriftsforskrifta om at settefisk av laks og aure ikkje skal ha ei individvekt som overstiger 250 gram er oppheva. Definisjonen av settefisk er endra til fisk som vert produsert med sikte på overføring til andre lokalitetar eller annan type produksjon.

Statsforvaltaren i Vestland tildelte Nesfossen Smolt AS den 10.02.2020 eit revidert utsleppsløyve etter forureiningslova som erstatning for tidlegare utsleppsløyve. Løyvet gjeld for ein produksjon av settefisk av laks og aure med følgjande ramme for utslepp: 11,3 tonn nitrogen, 2,2 tonn fosfor og 29 tonn organisk stoff. Det er sett krav om partikkelreinsing av avløpsvatnet for å halde utsleppsgrensene i ramma. Det er sett krav om måleprogram og berekning av utsleppa.

Olje- og energidepartementet har den 06.09.2021 omgjort NVE sitt vedtak av 13.09.2016 om konsesjonsplikt for utviding frå 2,5 til 10 millionar sjøklar settefisk. Utviding av settefiskanlegget til Nesfossen Smolt AS som skildra i brev av 21.04.2016 trenger ikkje konsesjon etter vassressurslova § 8.

Saka er handsama av Mattilsynet Region Sør og Vest 08.11.2021. Mattilsynet gjev Nesfossen Smolt AS godkjenning til produksjon av settefisk av laks, regnbogeaure og aure ved lokalitet 1682 Nesfossen i Alver kommune. Godkjenninga vert gjeve for ein årleg produsert biomasse på 2000 tonn.

Med bakgrunn i endringar i akvakulturregelverket, nye og oppdaterte særløyve etter Forureiningslova og Matlova, samt ny vurdering etter vassressurslova vurderer Vestland fylkeskommune at det er trong for eit nytt og oppdatert akvakulturløyve som samla viser kva avgrensingar og rammer som gjeld for anlegget på lokalitet Nesfossen.

GRUNNGJEVING FOR VEDTAKET

Vestland fylkeskommune har vurdert søknaden etter lov av 17. juni 2005 nr 79 om akvakultur, og i høve til generelle vilkår for klarering av akvakulturlokalitet som er gjeve i § 30 i laksetildelingsforskrifta som seier at lokalitet for akvakultur kan klarerast dersom:

- a) *det er miljømessig forsvarlig;*
- b) *det er foretatt en avveining av arealinteresser, med særlig vekt på*
 - 1. *søkers behov for areal til planlagt akvakultur,*
 - 2. *alternativ bruk av området til annen akvakultur,*
 - 3. *annen bruk av området, og*
 - 4. *verneinteresser som ikke omfattes av bokstav d.*
- c) *det er gitt tillatelser som kreves etter*
 - 1. *lov 19. desember 2003 nr. 124 om matproduksjon og mattrygghet mv.,*
 - 2. *lov 13. mars 1981 nr. 6 om vern mot forurensninger og om avfall,*
 - 3. *lov 17. april 2009 nr. 19 om havner og farvann.*
 - 4. *lov 24. november 2000 nr. 82 om vassdrag og grunnvann; og*
 - 5. *lov 19.juni 2009 nr. 97 om dyrevelferd; og*
- d) *det ikke er i strid med*
 - 1. *vedtatte arealplaner etter plan- og bygningsloven 14. juni 1985 nr. 77,*
 - 2. *vedtatte vernetiltak etter kapittel V i lov 19. juni 2009 nr. 100 om forvaltning av naturens mangfold,*
 - 3. *vedtatte vernetiltak etter lov 9. juni 1978 nr. 50 om kulturminner.*

a) miljømessig forsvarleg

Når det gjeld vurderingar i forhold til omsyn til biologisk mangfald, forureining av det ytre miljø og økologiske effektar er dette gjort i tidlegare vedtak på lokaliteten. Då det ikkje skjer endringar i produksjonskapasiteten på lokaliteten er det i mindre grad trong for ytterlegare vurdering av desse punkta.

Oppdrett av laks og aure kan ha effekt på vill laksefisk gjennom rømming, spreining av lakselus etc. Det er av stor betydning at drifta av anlegget er slik at ein unngår vesentleg påverknad på dei ville bestandane av laksefisk.

Rømming av laks og aure er oppfatta som ei uakseptabel hending uavhengig av lokalisering. Ei etablering av anlegg på lokaliteten må følgje gjeldande standardar og anna regelverk på dette området.

Lokaliteten kjem ikkje i konflikt med trua eller sårbare artar, viltområde eller naturtypar som har eit kjent behov for særskilt beskyttelse.

Naturmangfaldslova

Ved handsaming av søknaden er sakshandsamingsreglane i naturmangfaldlova av 19. juni 2009 nr. 100 §§ 8-12 følgt i vurdering av om tiltaket det vert søkt om er miljømessig forsvarleg etter laksetildelingsforskrifta § 30 a.

Akvakulturlova, laksetildelingsforskrifta, NYTEK – forskrifta, IK –akvakulturforskrifta og akvakulturdriftsforskrifta sett krav til etablering og drift av akvakulturanlegg, og i dette regelverket er det krav til kunnskapsgrunnlaget før klarering av lokalitet. I den ordinære sakshandsaminga av akvakultursaker vert det kravd dokumentasjon i form av straummålingar, miljøgranskningar, kart over botntopografi, naturverdiar og biologisk mangfald, viktige lakseførande vassdrag, anleggsskisser, beredskapsplanar og dokumentasjon av selskapet sitt internkontrollsystem. Kommunen og

sektormyndede vert gjeve moglegheit for å krevje supplerande utredningar. Fylkeskommunen finn at krava i akvakulturregelverket tilfredsstillende krava til opplysning av saka etter naturmangfaldlova § 8.

Søknaden har på vanleg måte etter reglane i akvakulturlova vore til handsaming hjå kommunen og sektorstyresmaktene, og det er ikkje kome opplysningar om at saka ikkje er tilstrekkeleg opplyst i høve til oppdrettsanlegget sin påverknad på naturmangfaldet. jf. § 8 Kunnskapsgrunnlaget.

Fylkeskommunen viser til vurderinga etter naturmangfaldlova § 8 og legg til grunn at det ligg føre tilstrekkeleg kunnskap om verknader lokaliteten kan ha for naturmiljøet. Akvakulturlova § 10 slår fast at «Akvakultur skal etableres, drives og avvikles på en miljømessig forsvarlig måte». Vi vurderer det som å vere liten risiko for at miljøet skal bli negativt påverka av å etablere settefiskanlegget. Saka vert sett på som tilstrekkeleg opplyst, og føre-var prinsippet vert difor ikkje tatt i bruk, jf. § 9 Føre-var prinsippet.

Den samla belastninga på naturmiljøet vert i liten grad endra. Vi viser og til våre vurderingar etter laksetilgjevingforskrifta § 30 fyrste ledd bokstav a krav om at lokalitet for akvakultur kan klarerast dersom det er miljømessig forsvarleg. Vi kan ikkje sjå at det er grunnlag for å avslå søknaden ut frå omsynet til det biologiske mangfaldet, økologiske effektar eller naturmiljøet, jf. § 10 Økosystemtilnærming og samla belastning.

Tiltakshavar skal dekke kostnadane ved å hindre eller avgrense skade på naturmangfaldet som tiltaket er årsak til, dersom det ikkje er urimeleg ut i frå tiltaket og skaden sin karakter, jf. § 11 Kostnader ved forverring av miljø.

Det er eigne forskrifter som gjev krav til teknisk standard og regulerer drift av akvakulturanlegg. Det er eit ufråvikeleg krav at drifta skal vere teknisk, biologisk og miljømessig forsvarleg. Oppdrett av laks og aure kan ha effekt på vill laksefisk gjennom rømming, spreiding av lakselus etc. Det er av stor betydning at drifta av anlegget er slik at ein unngår vesentleg påverknad på dei ville stammene av laksefisk, jf. § 12 Miljøforsvarlege teknikkar og driftsmetodar.

Vassforskrifta

Vassforskrifta gir rammer for vassforvaltninga. I samsvar med vassforskrifta skal tilstanden i alle vassførekomstar beskyttast mot forverring, forbetrast og gjenopprettast med sikte på at vassførekomstane skal ha minst god økologisk og god kjemisk tilstand. Vassforskrifta § 12 omhandlar ny aktivitet eller nye inngrep. Lokalitet Nesfossen ligg ved vassførekomsten Lurefjorden, som i samsvar med vann-nett har moderat økologisk tilstand. Det er ikkje venta at oppdatering av løyve til anlegget vil føre til at miljøtilstanden i vassførekomsten blir dårlegare enn moderat.

b) avveging av arealinteresser

1. Søkar sitt behov for lokaliteten/arealet.
Som bakgrunn for søknaden er følgjande oppgjeve:
Verksemda ønsker ei justering av godkjenninga som gjelder for anlegget slik at denne er i samsvar med faktisk drift. Dei ønsker ein fleksibilitet slik at dei kan produsere fisk av ulik storleik

Fylkeskommunen legg etter dette til grunn at verksemda har eit vel grunna behov for å få klarert lokaliteten Nesfossen slik dei har søkt om.

2. Alternativ bruk av området til anna akvakultur.
Søkar sitt behov for areal skal vurderast opp mot annan mogleg akvakultur i området.
Fylkeskommunen kan ikkje sjå at løyve kjem i konflikt med annan eksisterande eller planlagt akvakultur.
3. Anna bruk av området.
Søknaden er vurdert opp mot anna og alternativ bruk av området. Det er ikkje kome nye opplysningar i denne søknadsprosessen i høve til påverknad på annan bruk av området.

Det er ikkje kome fram opplysningar om andre verneinteresser som ikkje omfattar av bokstav d i søknadsprosessen.

c) løyve etter anna lovverk

Alle naudsynthe løyve i samsvar med forskrifta punkt c føreligg.

Mattilsynet, Region Sør og Vest har gjeve løyve til etablering av akvakulturanlegg etter matlova og dyrevelferdslova. Løyve dagsett 04.11.2020 er vedlagt.

Kystverket Vest har gjeve løyve til legging av leidningar i sjø etter hamne- og farvasslova. Løyve dagsett 28.11.2013 er vedlagt.

Statsforvaltaren i Vestland har gjeve løyve etter forureiningslova. Utsleppsløyve dagsett 21.01.2021 er vedlagt.

OED har vurdert tiltaket etter vassressurslova. Brev dagsett 06.09.2021 er vedlagt.

d) tiltaket skal ikkje vere i strid med:

1. Vedtatt arealplan etter plan og bygningslova.
Anlegget er plassert på eit område sett av til akvakultur i arealdelen av kommuneplanen
2. Vedtatt vernetiltak etter naturmangfaldlova.
Tiltaket er ikkje i strid med vedtatt vernetiltak etter naturmangfaldlova.
3. Vedtatt vernetiltak kulturminnelova.
Det føreligg ingen informasjon om at tiltaket er i strid med vedtatt vernetiltak etter kulturminnelova. Ein kan likevel ikkje sjå vekk frå at det finns kulturminne i området, og fylkeskommunen viser til kulturminnelova og meldeplikta.

Etter ei samla vurdering, etter *Lov om akvakultur 17.06.2005 nr. 79*, gjev Vestland fylkeskommune Nesfossen Smolt AS, org. nr. 995218402, med akvakulturløyve H-L-6, får med dette løyve til å etablere akvakulturanlegg for oppdrett av settefisk av laks (*Salmo salar*), aure (*Salmo trutta*) og regnbogeaure (*Oncorhynchus mykiss*) på lokalitet Nesfossen i Alver herad

Generelle vilkår

- Anlegget skal ligge i samsvar med vedlagte kart og anleggsskisser og i samsvar med godkjente koordinatar for anlegget.
- Løyve vert gitt utan ansvar til nabo-, eigedom-eller andre privatrettslege forhold.
- Løyve vert gjeve med føresetnad av at etablering, drift og eventuell avvikling vert gjennomført i samsvar med til ein kvar tid gjeldande lover, forskrifter og vilkår.
- Kopi av dette løyvet med vedlegg skal oppbevarast tilgjengeleg for alle medarbeidarar på anlegget og for alle som har rett til kontroll.

Som konsesjonsinnehavar har De plikt til å sette Dykk inn i det regelverket som gjeld for løyver etter Akvakulturlova. Akvakulturlova med tilhøyrande forskrifter er tilgjengeleg på www.lovdata.no.

Anna

Vestland fylkeskommune viser til kravet i § 35 i forskrift av 17.06.2008 nr. 822 om drift av akvakulturanlegg når det gjeld miljøovervaking og rapportering av miljøundersøkingar til myndigheitene. Vi ber om at miljøundersøkingar blir sendt til myndigheitene via Altinn.

Når det gjeld drift av løyve, viser vi til forskrift 17.06.2008 nr. 288 om drift av akvakulturanlegg (akvakulturdriftsforskrifta) og forskrift av 19.3.2004 nr. 537 om internkontroll for å oppfylle akvakulturlovgivinga.

Klagerett

Vedtaket kan klagast på av saka sine partar eller andre med rettsleg klageinteresse innan 3 veker frå det tidspunktet underretninga om avgjerda er komen fram til vedkomande part, sjå om dette i vedlagt orientering. Eventuell klage skal sendast til Vestland fylkeskommune.

I medhald av forvaltningslova § 27b er det sett som vilkår for å gå til søksmål at ein har nytta retten til å klage fullt ut. Merk at ei klage ikkje fører til utsett iverksetting av vedtaket. Det er likevel mogleg å søke om at iverksetting vert utsett til klagesaka er avgjort.

Med helsing

Bård Sandal
avdelingsdirektør

Endre Høgalmen
seksjonssjef

Brevet er elektronisk godkjent og har difor inga handskriven underskrift

Vedlegg:

Uttale frå Statsforvaltaren i Vestland 10.02.2020

Uttale frå Mattilsynet Sør og Vest 08.11.2021

Uttale frå Kystverket Vest 28.11.2013

Uttale frå OED 06.09.2020

Kart over godkjent plassering

Klageskjema

Kopi:

Statsforvaltaren i Vestland

Fiskeridirektoratet Region Vest


Mattilsynet avdeling Sør og Vest

Kystverket Vest


NVE


Alver kommune

H-L-6 Nesfossen Smolt AS Lokalitet 11682 Nesfossen









<p>(1) Sendar (stemplet til forvaltningsorganet)</p> <p>Vestland fylkeskommune Postboks 7900 5020 Bergen</p>	<p>Melding om rett til å klage over forvaltningsvedtak (Forvaltningslova § 27 tredje leddet)</p> <p>(2) Dato 01.12.2021</p>
<p>(3) Mottakar (namn og adresse)</p> <p>Nesfossen Smolt AS</p>	<p>(4) Klageinstans</p> <p>Fiskeridirektoratet Postboks 185 Sentrum 5804 Bergen</p>
<p>Denne meldinga gjev viktige opplysningar dersom De vil klage på eit vedtak De er gjord kjend med.</p> <p>Klagerett De har rett til å klage på vedtaket.</p> <p>Kven kan De klage til? Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk (4).</p> <p>Klagefrist Klagefristen er tre - 3 - veker frå den dagen dette brevet kom fram. Det er nok at klaga er postlagt før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.</p> <p>Rett til å krevjegrunggeving Dersom De meiner at vi ikkje har grungjeve vedtaket, kan De krevje ei slik grunggeving før fristen går ut. Ny klagefrist blir då rekna frå den dagen De får grunggevinga.</p> <p>Innhaldet i klaga De må presisere</p> <ul style="list-style-type: none"> - kva for eit vedtak De klagar på - årsaka til at De klagar - den eller dei endringar De ønskjer - eventuelt andre opplysningar som kan ha noko å seie for vurderinga av klaga <p>Klaga må underskrivast.</p> <p>Utsetjing av gjennomføringa av vedtaket Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort.</p> <p>Rett til å sjå saksdokumenta og til å krevje rettleiing Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettleiing om retten til å klage, om framgangsmåten og om reglane for saksgangen.</p> <p>Kostnadene med klagesaka De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Statsforvaltaren eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk (4)) vil orientere Dykk om retten til å krevje slik dekning.</p> <p>Klage til Sivilombodsmannen Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.</p>	
<p>Særlege opplysningar</p>	